

ქედის მუნიციპალიტეტის საკრებულოს 2025 წლის 27 ივნისის №01-06/05
მორიგი სხდომის დღის-წესრიგის პროექტი

1. „ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში ცვლილების შეტანის შესახებ ქედის მუნიციპალიტეტის საკრებულოს დადგენილების პროექტი.

მომხსენებელი: საკრებულოს აპარატის უფროსი: მუხრან სალამე

2. „ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შექმნისა და მისი დებულების დამტკიცების შესახებ“ ქედის მუნიციპალიტეტის საკრებულოს ქედის მუნიციპალიტეტის საკრებულოს დადგენილების პროექტი.

მომხსენებელი: საკრებულოს აპარატის უფროსი: მუხრან სალამე

3. ქედის მუნიციპალიტეტის სოფელ საბადურის ახალი ქუჩებისა და ჩიხების დამტკიცების შესახებ ქედის მუნიციპალიტეტის საკრებულოს განკარგულების პროექტი.

მომხსენებელი: საკრებულოს სივრცით ტერიტორიული დაგეგმარების და ინფრასტრუქტურის კომისიის თავმჯდომარე: ლევან ბერიძე

4. ქედის მუნიციპალიტეტის საკრებულოს 2025 წლის III კვარტლის სამუშაო გეგმის დამტკიცების შესახებ ქედის მუნიციპალიტეტის საკრებულოს განკარგულების პროექტი.

მომხსენებელი: საკრებულოს აპარატის უფროსი: მუხრან სალამე

5. ქედის მუნიციპალიტეტის საკრებულოს სოციალურ საკითხთა კომისიის 2024 წლის ანგარიში.

მომხსენებელი: საკრებულოს სოციალურ საკითხთა კომისიის თავმჯდომარე: ოთარ ხარაძე

6. შპს „ქედის ავტოსატრანსპორტო საწარმო“-ს 2024 წლის საქმიანობის ანგარიში.

მომხსენებელი: შპს „ქედის ავტოსატრანსპორტო საწარმო“-ს დირექტორი: მალხაზ დიასამიძე

თანამომხსენებელი: საკრებულოს სამანდატო, საპროცედურო საკითხთა და ეთიკის კომისიის თავმჯდომარე: ვაჟა აბულაძე

ქედის მუნიციპალიტეტის საკრებულო
დადგენილება №--
2025 წლის -- ივნისი
დაბა ქედა

„ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში ცვლილების შეტანის შესახებ

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქედის მუნიციპალიტეტის საკრებულო ადგენს:

მუხლი 1.

„ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში (www.matsne.gov.ge 11/05/2016; სარეგისტრაციო კოდი: 010250050.35.134.016193) შეტანილი იქნას ცვლილება და:

1. დადგენილებით დამტკიცებული დანართი №1-ის მე-4 მუხლის მე-8 პუნქტის „ე“ ქვეპუნქტი ჩამოყალიბდეს შემდეგი რედაქციით:

„ე) ქალისა და მამაკაცის თანასწორობის შესახებ“ საქართველოს კანონის შესაბამისად, ქალთა და ბავშვთა უფლებების ხელშეწყობის მიზნით ღონისძიებათა დაგეგმვა და დამტკიცება;“

2. დადგენილებით დამტკიცებული დანართი №1-ის თავი IV¹ ჩამოყალიბდეს შემდეგი რედაქციით:

„თავი IV¹“

ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭო

მუხლი 34¹. ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭო

„1. ქედის მუნიციპალიტეტში ქალთა და ბავშვთა საკითხებზე სისტემური და საქართველოს მთავრობის მიერ შექმნილ ქალისა და მამაკაცის თანასწორობის, ქალთა მიმართ ძალადობისა და ოჯახში ძალადობის საკითხებზე მომუშავე უწყებათაშორის კომისიასთან კოორდინირებული მუშაობის უზრუნველსაყოფად საკრებულო ქმნის ქედის მუნიციპალიტეტის ქალთა და ბავშვთა საკითხებზე მომუშავე მუნიციპალურ საბჭოს.

2. ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შემადგენლობა, უფლებამოსილება და საქმიანობა განისაზღვრება ამავე საბჭოს დებულებით, რომელსაც დადგენილებით ამტკიცებს საკრებულო.“

მუხლი 2.

დადგენილება ამოქმედდეს გამოქვეყნებისთანავე.

ქედის მუნიციპალიტეტის
საკრებულოს თავმჯდომარე

ამირან ცინცაძე

განმარტებითი ბარათი

„ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში ცვლილების შეტანის შესახებ“ ქედის მუნიციპალიტეტის საკრებულოს ნორმატიული აქტის (დადგენილება) პროექტზე

ა) ზოგადი ინფორმაცია ნორმატიული აქტის პროექტის შესახებ:

ა.ა) ნორმატიული აქტის მიღების მიზეზი:

ნორმატიული აქტის მიღების მიზეზია „ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილების კანონმდებლობის მოთხოვნებთან შესაბამისობაში მოყვანა.

ა.ბ) ნორმატიული აქტის მიღების მიზანი:

„ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში კანონმდებლობით გათვალისწინებული ცვლილებების განხორციელება.

ა.გ) ნორმატიული აქტის ძირითადი არსი:

წარმოდგენილი დადგენილების პროექტის შესაბამისად, ცვლილება შედის დადგენილებით დამტკიცებული დანართი №1-ის მე-4 მუხლის მე-8 პუნქტის „ე“ ქვეპუნქტსა და დადგენილებით დამტკიცებული დანართი №1-ის თავი IV¹-ში აღნიშნული ცვლილებების შედეგად ხდება რეგლამენტის საქართველოს კონსტიტუციასთან, „ადგილობრივი თვითმმართველობის კოდექსი“ საქართველოს ორგანული კანონთან, „ქალისა და მამაკაცის თანასწორობის შესახებ“ საქართველოს კანონთან და სხვა ნორმატიული აქტებთან შესაბამისობაში მოყვანა.

ბ) ნორმატიული აქტის ფინანსური დასაბუთება:

ბ.ა) ნორმატიული აქტის მიღებასთან დაკავშირებით აუცილებელი ხარჯების დაფინანსების წყარო:

ნორმატიული აქტის მიღება არ გამოიწვევს ქედის მუნიციპალიტეტის ადგილობრივი ბიუჯეტიდან დამატებითი სახსრების გამოყოფას.

ბ.ბ) ნორმატიული აქტის გავლენა ბიუჯეტის საშემოსავლო ნაწილზე:

ნორმატიული აქტის მიღება გავლენას არ მოახდენს ქედის მუნიციპალიტეტის ადგილობრივი ბიუჯეტის საშემოსავლო ნაწილზე.

ბ.გ) ნორმატიული აქტის გავლენა ბიუჯეტის ხარჯვით ნაწილზე:

ნორმატიული აქტის მიღება გავლენას არ მოახდენს ქედის მუნიციპალიტეტის ადგილობრივი ბიუჯეტის ხარჯვით ნაწილზე.

ბ.დ) სახელმწიფოს ახალი ფინანსური ვალდებულებები:

ნორმატიული აქტის მიღება არ წარმოშობს ახალ ფინანსურ ვალდებულებებს.

გ) ნორმატიული აქტის მიმართება საქართველოს სამართლებრივ სტანდარტებთან

გ.ა) ნორმატიული აქტის მიმართება საქართველოს კანონმდებლობასთან და კანონქვემდებარე ნორმატიულ აქტებთან:

ნორმატიული აქტის არ ეწინააღმდეგება საქართველოს მოქმედ კანონმდებლობას და კანონქვემდებარე ნორმატიულ სამართლებრივ აქტებს.

დ) ნორმატიული აქტის მომზადების პროცესში მიღებული კონსულტაციები:
საქართველოს მთავრობის ადმინისტრაციის 2025 წლის 13 ივნისის №GOV02500015029 საკონსულტაციო დასკვნა.

დ.ა) ნორმატიული აქტის შემუშავებაში მონაწილე სახელმწიფო, არასახელმწიფო ან/და საერთაშორისო ორგანიზაცია (დაწესებულება), ექსპერტი, ასეთის არსებობის შემთხვევაში:

ნორმატიული აქტის პროექტის შემუშავებაში აღნიშნულ სუბიექტებს მონაწილეობა არ მიუღიათ.

დ.ბ) ნორმატიული აქტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება ნორმატიული აქტის მიმართ, ასეთის არსებობის შემთხვევაში:

ნორმატიული აქტის შემუშავებაში აღნიშნულ სუბიექტებს მონაწილეობა არ მიუღიათ.

ე) ნორმატიული აქტის ავტორი:

ქედის მუნიციპალიტეტის საკრებულოს აპარატის იურიდიული და ადამიანური რესურსების მართვის განყოფილება.

ვ) ნორმატიული აქტის წარმდგენი:

ქედის მუნიციპალიტეტის საკრებულოს აპარატის უფროსი: მუხრან სალაძე.

ზ) ნორმატიული აქტის ინიციატორი:

ქედის მუნიციპალიტეტის საკრებულოს თავმჯდომარე: ამირან ცინცაძე.

ქედის მუნიციპალიტეტის საკრებულოს

დადგენილება №

2025 წლის -- ივნისი

დაბა ქედა

**ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს
შექმნისა და მისი დებულების დამტკიცების შესახებ**

„ადგილობრივი თვითმმართველობის კოდექსი“ საქართველოს ორგანული კანონის 24-ე მუხლის პირველი პუნქტის „ბ.თ“ ქვეპუნქტის, 61-ე მუხლის მე-2 პუნქტის, „ქალისა და მამაკაცის თანასწორობის შესახებ“ საქართველოს კანონის მე-13 მუხლის 1¹ პუნქტის და „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის შესაბამისად, ქედის მუნიციპალიტეტის საკრებულო ადგენს:

მუხლი 1.

ქედის მუნიციპალიტეტში ქალთა და ბავშვთა საკითხებზე სისტემური და საქართველოს მთავრობის მიერ შექმნილ ქალისა და მამაკაცის თანასწორობის, ქალთა მიმართ ძალადობისა და ოჯახში ძალადობის საკითხებზე მომუშავე უწყებათაშორის კომისიასთან კოორდინირებული მუშაობის უზრუნველსაყოფად შეიქმნას ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭო და მისი დებულება დამტკიცდეს დანართის შესაბამისად.

მუხლი 2.

ძალადაკარგულად გამოცხადდეს „გენდერული თანასწორობის საბჭოს შექმნისა და მისი დებულების დამტკიცების შესახებ“ ქედის მუნიციპალიტეტის საკრებულოს 2018 წლის 23 თებერვლის №6 დადგენილება (ვებგვერდი - www.matsne.gov.ge, 01/03/2018, სარეგისტრაციო კოდი: 010250050.35.134.016250).

მუხლი 3.

დადგენილება ამოქმედდეს გამოქვეყნებისთანავე.

ქედის მუნიციპალიტეტის

საკრებულოს თავმჯდომარე

ამირან ცინცაძე

ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს დებულება

მუხლი 1. ზოგადი დებულებანი

1. ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭო (შემდგომ – საბჭო) არის ქედის მუნიციპალიტეტის საკრებულოს სათათბირო-საკონსულტაციო ორგანო, რომელიც განიხილავს მუნიციპალიტეტში ქალისა და მამაკაცის თანასწორობის დაცვისა და ბავშვთა უფლებების დაცვის მდგომარეობას, შეიმუშავებს წინადადებებს ადგილებზე დისკრიმინაციის გამოვლენისა და აღმოფხვრის უზრუნველსაყოფად შესაბამისი ღონისძიებების შემუშავებისა და განხორციელების კოორდინაციის მიზნით.
2. საბჭო თავის საქმიანობაში ხელმძღვანელობს საქართველოს კონსტიტუციით, „ადგილობრივი თვითმმართველობის კოდექსი“ საქართველოს ორგანული კანონით, „ქალისა და მამაკაცის თანასწორობის შესახებ“ საქართველოს კანონით, საკრებულოს რეგლამენტით, სხვა ნორმატიული აქტებითა და ამ დებულებით.
3. საბჭოს ფუნქციები და უფლებამოსილებანი განისაზღვრება ამ დებულებით.

მუხლი 2. საბჭოს ძირითადი ამოცანები, ფუნქციები და უფლებამოსილებანი

საბჭოს ძირითადი ამოცანები და ფუნქციებია:

- ა) საქართველოს კანონმდებლობის შესაბამისად და ეროვნული სამოქმედო გეგმის გათვალისწინებით, შეიმუშაოს და საკრებულოს დასამტკიცებლად წარუდგინოს მუნიციპალიტეტში ქალისა და მამაკაცის თანასწორობის, ქალთა მიმართ ძალადობის და ოჯახში ძალადობის პრევენციის უზრუნველსაყოფად განსახორციელებელი სამოქმედო გეგმა და უზრუნველყოს ამ გეგმის შესრულების კოორდინაცია;
- ბ) განახორციელოს მუნიციპალიტეტის ორგანოებისა და თანამდებობის პირთა მიერ მიღებული სამართლებრივი აქტების ანალიზი და შეიმუშაოს წინადადებები ქალთა და ბავშვთა უფლებების დარღვევის აღმოფხვრის უზრუნველსაყოფად;
- გ) განიხილოს მუნიციპალიტეტის განვითარების სტრატეგიის, ქალთა და ბავშვთა საკითხებზე შემუშავებული მუნიციპალური პროგრამებისა და ბიუჯეტის პროექტები; მოამზადოს შესაბამისი დასკვნები და რეკომენდაციები; მოახდინოს არსებული მუნიციპალური პროგრამების შესახებ ინფორმაციის პერიოდულად გავრცელება;

დ) განახორციელოს ქალთა და ბავშვთა საჭიროებების კვლევა; თემატური მოკვლევების საფუძველზე გამოვლენილი გამოწვევების შესწავლა; მოკლევადიანი და გრძელვადიანი პროგრამების შემუშავება. ასევე, განახორციელოს ადგილობრივი თვითმმართველობის ორგანოების მიერ შესრულებული ან მიმდინარე მუშაობის მონიტორინგი, შეფასების დანერგვა და შესაბამისი რეკომენდაციების მომზადება ქალთა და ბავშვთა საკითხების უზრუნველსაყოფად;

ე) უზრუნველყოს საკრებულოში ინიცირებული ნორმატიული აქტების პროექტების ექსპერტიზა ქალთა და ბავშვთა საკითხების შეფასების თვალსაზრისით;

ვ) შეიმუშაოს და დაგეგმოს ცალკეული ღონისძიებები ქალთა და ბავშვთა საკითხების, აქტივობების, მათი თანასწორობის უფლებების რეალიზაციისათვის;

ზ) ითანამშრომლოს საქართველოს მთავრობის მიერ შექმნილ ქალისა და მამაკაცის თანასწორობის, ქალთა მიმართ ძალადობისა და ოჯახში ძალადობის საკითხებზე მომუშავე უწყებათაშორის კომისიასთან და მიაწოდოს მათ შესაბამისი ინფორმაცია და წინადადებები; მონაწილეობა მიიღოს ქალთა და ბავშვთა საკითხების დაცვის მიზნით განხორციელებულ ღონისძიებებში;

თ) მოითხოვოს და მიიღოს ქალთა და ბავშვთა საკითხების შესწავლასთან დაკავშირებული ნებისმიერი ინფორმაცია და დოკუმენტაცია, გარდა ისეთი დოკუმენტებისა, რომელთა კონფიდენციალურობაც დაცულია საქართველოს კანონმდებლობის შესაბამისად;

ი) განიხილოს ქალთა და ბავშვთა საკითხების დარღვევის თაობაზე წარდგენილი განცხადებები, დოკუმენტაცია და სხვა ინფორმაცია, თავისი კომპეტენციის ფარგლებში მოახდინოს მათზე რეაგირება და შეიმუშაოს შესაბამისი რეკომენდაციები;

კ) ქალთა და ბავშვთა საკითხების შესწავლისა და განხილვის დროს საჭიროების შემთხვევაში, მოიწვიოს სხვადასხვა უწყების წარმომადგენლები, შესაბამის დარგში მომუშავე საერთაშორისო და ადგილობრივი ორგანიზაციების წარმომადგენლები დამოუკიდებელი ექსპერტები; საბჭოს კომპეტენციაში შემავალი საკითხების შესწავლისა და სათანადო რეკომენდაციების შემუშავების მიზნით შექმნას თემატური სამუშაო ჯგუფები ექსპერტებისა და სპეციალისტების მონაწილეობით;

ლ) ქალთა და ბავშვთა საჭიროებების გათვალისწინებით საბჭოს სამოქმედო გეგმის შემუშავება და ქედის მუნიციპალიტეტის საკრებულოსათვის დასამტკიცებლად წარდგენა;

მ) საბჭოს საქმიანობის მიზნებიდან გამომდინარე, საკითხის სრულყოფილად შესწავლისა და გამოკვლევის მიზნით, მოაწყოს სამუშაო შეხვედრები შესაბამის დაინტერესებულ პირებთან და უწყებებთან; ითანამშრომლოს ქალთა ჯგუფებთან და კერძო ორგანიზაციებთან;

ნ) განახორციელოს მისთვის საქართველოს კანონმდებლობით მინიჭებული სხვა უფლებამოსილებები.

2. საბჭო უფლებამოსილია:

ა) ქალთა და ბავშვთა საკითხებთან დაკავშირებით წარმოადგინოს ქედის მუნიციპალიტეტი;

ბ) წელიწადში ერთხელ საკრებულოს წარუდგინოს ანგარიში მუნიციპალიტეტში ქალთა და ბავშვთა საკითხების მდგომარეობის შესახებ;

გ) განახორციელოს საქართველოს კანონმდებლობით მინიჭებული სხვა უფლებამოსილებები.

მუხლი 3. საბჭოს სტრუქტურა

1. საბჭოს თავმჯდომარეობს ქედის მუნიციპალიტეტის საკრებულოს თავმჯდომარე

2. საბჭოს წევრთა რაოდენობა არ უნდა იყოს 7-ზე ნაკლები და 21-ზე მეტი. საბჭოს შემადგენლობას ბრძანებით ამტკიცებს ქედის მუნიციპალიტეტის საკრებულოს თავმჯდომარე. საბჭო შედგება საბჭოს თავმჯდომარის, საბჭოს მდივნის, მუნიციპალიტეტის საკრებულოს წევრების, საკრებულოს აპარატის წარმომადგენლის და ქედის მუნიციპალიტეტის მერიაში ქალთა უფლებების დაცვის საკითხებზე პასუხისმგებელი საჯარო მოსამსახურისგან, ასევე საბჭოს წევრად შესაძლებელია განისაზღვროს ადგილობრივი, კერძო და არასამთავრობო სექტორის წარმომადგენელი, საბჭოს თავმჯდომარისადმი მათი წერილობითი მიმართვის საფუძველზე.

3. პერსონალურ შემადგენლობას განსაზღვრავს და ბრძანებით ამტკიცებს ქედის მუნიციპალიტეტის საკრებულოს თავმჯდომარე.

4. საბჭოს წევრის შერჩევისას უპირატესობა მიენიჭება ქალთა და ბავშვთა უფლებების თემებზე საბჭოს წევრობის კანდიდატის ინფორმირებულობას ან/და მუშაობის გამოცდილებას.

5. ქალთა და ბავშვთა საკითხებზე მომუშავე მუნიციპალურ საბჭოში წევრთა 40%-ზე ნაკლები არ უნდა იყოს ერთი სქესის წარმომადგენელი.

6. საბჭოს წევრს უფლებამოსილება ვადამდე შეუწყდება:

ა) პირადი წერილობითი განცხადების წარდგენის შემთხვევაში;

ბ) საქართველოს მოქალაქეობის შეწყვეტის შემთხვევაში;

გ) თუ მის მიმართ კანონიერ ძალაში შევიდა საბოლოო ინსტანციის სასამართლოს გამამტყუნებელი განაჩენი ან გავიდა კანონიერ ძალაში შესული სასამართლოს გამამტყუნებელი განაჩენის ზემდგომი ინსტანციის სასამართლოში გასაჩივრების ვადა;

დ) სასამართლომ უგზო-უკვლოდ დაკარგულად აღიარა, გარდაცვლილად გამოაცხადა ან მხარდაჭერის მიმღებად ცნო, თუ სასამართლოს გადაწყვეტილებით სხვა რამ არ არის განსაზღვრული;

ე) არასაპატიო მიზეზით ზედიზედ 6 თვის განმავლობაში საბჭოს სამუშაო პროცესში მონაწილეობის მიუღებლობის შემთხვევაში;

ვ) მერის მიერ განსაზღვრული ქალთა და ბავშვთა უფლებების დაცვის საკითხებზე პასუხისმგებელი საჯარო მოსამსახურის ცვლილების შემთხვევაში;

ზ) გარდაცვალების შემთხვევაში;

თ) საკრებულოს და მერიის თანამდებობის პირის უფლებამოსილების შეწყვეტის, საჯარო მოსამსახურის დაკავებული თანამდებობიდან გათავისუფლების შემთხვევაში.

7. ქედის მუნიციპალიტეტის საკრებულოს თავმჯდომარის ბრძანებით საბჭოსთან შესაძლებელია შეიქმნას სამუშაო ჯგუფი, რომლის შემადგენლობას და საქმიანობის ფორმებს საბჭოს თავმჯდომარის წარდგინებით განსაზღვრავს საკრებულოს თავმჯდომარე.

მუხლი 4. საბჭოს მუშაობის წესი

1. საბჭოს სხდომას ხელმძღვანელობს და სხდომის დღის წესრიგს ამტკიცებს საბჭოს თავმჯდომარე.

2. საბჭოზე გასატან საკითხებს ამზადებს და დღის წესრიგის პროექტს ადგენს საბჭოს მდივანი.

3. საბჭოს იწვევს საბჭოს თავმჯდომარე. საბჭოს რიგგარეშე სხდომა მოიწვევა საბჭოს თავმჯდომარის ინიციატივით, ან საბჭოს წევრთა 1/3-ის მოთხოვნით.

4. საბჭოს სხდომა უფლებამოსილია, თუ მას ესწრება საბჭოს წევრთა უმრავლესობა.

5. საბჭოს სხდომა ღია და საჯაროა, გარდა კანონით გათვალისწინებული შემთხვევისა. საბჭოს სხდომის დღის წესრიგი, სხდომის ჩატარების დრო და ადგილი უნდა გამოქვეყნდეს საკრებულოს რეგლამენტით დადგენილი წესით, სხდომის ჩატარებამდე 7 დღით ადრე მაინც. საბჭოს წევრებს სხდომის თარიღისა და დღის წესრიგის შესახებ უნდა ეცნობოთ სხდომამდე 3 დღით ადრე მაინც, ხოლო რიგგარეშე სხდომის მოწვევის შემთხვევაში – დაუყოვნებლივ.

6. საბჭო ამზადებს წინადადებებსა და რეკომენდაციებს საკრებულოსა და საკრებულოს წინაშე ანგარიშვალდებული ორგანოებისა და თანამდებობის პირებისათვის წარსადგენად და იღებს გადაწყვეტილებებს საბჭოს მუშაობის ორგანიზაციულ საკითხებზე.

7. საბჭოს სხდომაზე განსახილველ საკითხებზე წინადადებებისა და რეკომენდაციების წარდგენის უფლება აქვს სხდომაში მონაწილე ყველა პირს. ყველა წარდგენილი წინადადება და რეკომენდაცია შეიტანება საბჭოს სხდომის ოქმში. განსახილველ საკითხებზე წინადადებები და რეკომენდაციები შემოტანილ უნდა იქნეს წერილობითი ფორმით 2 დღით ადრე მაინც. ასეთი სახით შემოსულ წინადადებებსა და რეკომენდაციებს, საბჭოს სხდომის თავმჯდომარე აცნობს სხდომის მონაწილეებს და იგი დაერთვება სხდომის ოქმს.

8. საბჭოს სხდომაზე ცალკეულ საკითხების განხილვისას, საბჭოს თავმჯდომარის მიერ შეიძლება მოწვეულ იქნეს მერიის თანამდებობის პირები, დაწესებულებებისა და ორგანიზაციების წარმომადგენლები, ექსპერტები და სპეციალისტები.

9. საბჭოს თავმჯდომარის არყოფნის შემთხვევაში, მის უფლებამოსილებას ასრულებს საბჭოს თავმჯდომარის გადაწყვეტილებით, საკრებულოს წევრთაგან, საბჭოს ერთ-ერთი წევრი.

10. საბჭოს სხდომაზე გადაწყვეტილება მიიღება კენჭისყრის საფუძველზე, საბჭოს დამსწრე წევრთა ხმების უმრავლესობით. ხმების თანაბრად გაყოფის შემთხვევაში გადაწყვეტია საბჭოს თავმჯდომარის ხმა.

11. საბჭოს სხდომა ფორმდება ოქმით, რომელსაც ხელს აწერს საბჭოს თავმჯდომარე.

12. საბჭოს სხდომის ოქმი ქვეყნდება საკრებულოს რეგლამენტით დადგენილი წესით.

13. საბჭოს მიერ მიღებული წინადადებები და რეკომენდაციები ეგზავნება ადგილობრივი თვითმმართველობის შესაბამის ორგანოებსა და თანამდებობის პირებს, რომლებიც ვალდებული არიან ერთი თვის ვადაში განიხილონ მიღებული წინადადებები და რეკომენდაციები და მიღებული გადაწყვეტილებების შესახებ აცნობონ საბჭოს.

მუხლი 5. საბჭოს საქმიანობის ორგანიზაციულ-ტექნიკური უზრუნველყოფა

საბჭოს საქმიანობის ორგანიზაციულ-ტექნიკურ უზრუნველყოფას ახორციელებს ქედის მუნიციპალიტეტის საკრებულოს აპარატი.

მუხლი 6. საბჭოს დებულებაში ცვლილებებისა და დამატებების შეტანა

საბჭოს დებულებაში ცვლილებებისა და დამატებების შეტანა ხორციელდება ქედის მუნიციპალიტეტის საკრებულოს მიერ საქართველოს კანონმდებლობის შესაბამისად.

განმარტებითი ბარათი

„ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შექმნისა და მისი დებულების დამტკიცების შესახებ“ ქედის მუნიციპალიტეტის საკრებულოს ნორმატიული აქტის (დადგენილება) პროექტზე

ა) ზოგადი ინფორმაცია ნორმატიული აქტის პროექტის შესახებ:

ა.ა) ნორმატიული აქტის მიღების მიზეზი:

ნორმატიული აქტის მიღების მიზეზია „ქალისა და მამაკაცის თანასწორობის შესახებ“ საქართველოს კანონის მოთხოვნების შესრულება, კერძოდ: მუნიციპალიტეტის საკრებულო მუნიციპალიტეტში ქალთა და ბავშვთა საკითხებზე სისტემური მუშაობისა და საქართველოს მთავრობის მიერ შექმნილ ქალისა და მამაკაცის თანასწორობის, ქალთა მიმართ ძალადობისა და ოჯახში ძალადობის საკითხებზე მომუშავე უწყებათაშორის კომისიასთან კოორდინირებული მუშაობის უზრუნველსაყოფად ქმნის ქალთა და ბავშვთა საკითხებზე მომუშავე მუნიციპალურ საბჭოს, რომლის შემადგენლობა, სტატუსი, ფუნქციები და უფლებამოსილება განისაზღვრება მუნიციპალიტეტის საკრებულოს რეგლამენტითა და ქალთა და ბავშვთა საკითხებზე მომუშავე მუნიციპალური საბჭოს დებულებით, რომელსაც ამტკიცებს შესაბამისი საკრებულო.

ა.ბ) ნორმატიული აქტის მიღების მიზანი:

ნორმატიული აქტის მიღების ძირითადი მიზანია მუნიციპალიტეტის ორგანოების მიერ საქართველოს კონსტიტუციის, საერთაშორისო ხელშეკრულებების, საქართველოს ორგანული კანონის „ადგილობრივი თვითმმართველობის კოდექსი“-ს, „ქალისა და მამაკაცის თანასწორობის შესახებ“ საქართველოს კანონის, საქართველოს სხვა საკანონმდებლო აქტებისა და მუნიციპალიტეტის საკრებულოს ნორმატიული ადმინისტრაციულ-სამართლებრივი აქტების შესაბამისად, შემუშავებული იქნას და განხორციელდეს ღონისძიებები ადგილებზე დისკრიმინაციის გამოვლენისა და აღმოფხვრის უზრუნველსაყოფად.

გ) ნორმატიული აქტის ძირითადი არსი:

ადგილობრივი თვითმმართველობის წარმომადგენლობითი ორგანო უფლებამოსილია განახორციელოს ნორმატიული-ადმინისტრაციული სამართლებრივი აქტის ძალადაკარგულად გამოცხადება, არსებულ ნორმატიულ აქტში ცვლილებების შეტანა, ასევე ახალი ნორმატიული-ადმინისტრაციული სამართლებრივი აქტის მიღება, აქედან გამომდინარე საქართველოს მოქმედი კანონმდებლობით გათვალისწინებული ვალდებულებების შესრულების შესაბამისად, წარმოდგენილი პროექტით ხორციელდება „ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შექმნისა და მისი დებულების დამტკიცების შესახებ“ ქედის მუნიციპალიტეტის საკრებულოს ახალი დადგენილების ჩამოყალიბება და მიღება.

ბ) ნორმატიული აქტის ფინანსური დასაბუთება:

ბ.ა) ნორმატიული აქტის მიღებასთან დაკავშირებით აუცილებელი ხარჯების დაფინანსების წყარო:

ნორმატიული აქტის მიღება არ გამოიწვევს ქედის მუნიციპალიტეტის ადგილობრივი ბიუჯეტიდან დამატებითი სახსრების გამოყოფას.

ბ.ბ) ნორმატიული აქტის გავლენა ბიუჯეტის საშემოსავლო ნაწილზე:

ნორმატიული აქტის მიღება გავლენას არ მოახდენს ქედის მუნიციპალიტეტის ადგილობრივი ბიუჯეტის საშემოსავლო ნაწილზე.

ბ.გ) ნორმატიული აქტის გავლენა ბიუჯეტის ხარჯვით ნაწილზე:

ნორმატიული აქტის მიღება გავლენას არ მოახდენს ქედის მუნიციპალიტეტის ადგილობრივი ბიუჯეტის ხარჯვით ნაწილზე.

ბ.დ) სახელმწიფოს ახალი ფინანსური ვალდებულებები:

ნორმატიული აქტის მიღება არ წარმოშობს ახალ ფინანსურ ვალდებულებებს.

გ) ნორმატიული აქტის მიმართება საქართველოს სამართლებრივ სტანდარტებთან

გ.ა) ნორმატიული აქტის მიმართება საქართველოს კანონმდებლობასთან და კანონქვემდებარე ნორმატიულ აქტებთან:

ნორმატიული აქტის არ ეწინააღმდეგება საქართველოს მოქმედ კანონმდებლობას და კანონქვემდებარე ნორმატიულ სამართლებრივ აქტებს.

დ) ნორმატიული აქტის მომზადების პროცესში მიღებული კონსულტაციები:

საქართველოს მთავრობის ადმინისტრაციის 2025 წლის 13 ივნისის №GOV02500015029 საკონსულტაციო დასკვნა.

დ.ა) ნორმატიული აქტის შემუშავებაში მონაწილე სახელმწიფო, არასახელმწიფო ან/და საერთაშორისო ორგანიზაცია (დაწესებულება), ექსპერტი, ასეთის არსებობის შემთხვევაში:

ნორმატიული აქტის პროექტის შემუშავებაში აღნიშნულ სუბიექტებს მონაწილეობა არ მიუღიათ.

დ.ბ) ნორმატიული აქტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება ნორმატიული აქტის მიმართ, ასეთის არსებობის შემთხვევაში:

ნორმატიული აქტის შემუშავებაში აღნიშნულ სუბიექტებს მონაწილეობა არ მიუღიათ.

ე) ნორმატიული აქტის ავტორი:

ქედის მუნიციპალიტეტის საკრებულოს აპარატის იურიდიული და ადამიანური რესურსების მართვის განყოფილება.

ვ) ნორმატიული აქტის წარმდგენი:

ქედის მუნიციპალიტეტის საკრებულოს აპარატის უფროსი: მუხრან სალაძე.

ზ) ნორმატიული აქტის ინიციატორი:

ქედის მუნიციპალიტეტის საკრებულოს სოციალურ საკითხთა კომისიის
თავმჯდომარე: ოთარ ხარაძე.



GOV 0 25 00015029



13/06/2025

ქედის მუნიციპალიტეტის საკრებულოს

საქართველოს მთავრობის ადმინისტრაციის იურიდიულმა დეპარტამენტმა განიხილა 2025 წლის 2 ივნისის №95-95251536 წერილით სამართლებრივი კონსულტაციისთვის წარმოდგენილი ქედის მუნიციპალიტეტის საკრებულოს დადგენილების პროექტები „ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში ცვლილების შეტანის შესახებ“ და „ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შექმნისა და მისი დებულების დამტკიცების შესახებ“, რომელთან დაკავშირებით გაცნობებთ შემდეგს:

1) „ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებაში ცვლილების შეტანის შესახებ“ ქედის მუნიციპალიტეტის საკრებულოს პროექტით დასამტკიცებელი რეგლამენტის მე-4 მუხლის მე-8 პუნქტის „ე“ ქვეპუნქტის რედაქტირება მიზანშეწონილია მოხდეს შემდეგი სახით: „ე) ქალისა და მამაკაცის თანასწორობის შესახებ“ საქართველოს კანონის შესაბამისად, ქალთა და ბავშვთა უფლებების ხელშეწყობის მიზნით ღონისძიებათა დაგეგმვა და დამტკიცება;“, ხოლო ამავე რეგლამენტის 34¹ მუხლის პირველი და მე-2 პუნქტები მართებულია ჩამოყალიბდეს შემდეგი რედაქციით:

„1. ქედის მუნიციპალიტეტში ქალთა და ბავშვთა საკითხებზე სისტემური და საქართველოს მთავრობის მიერ შექმნილ ქალისა და მამაკაცის თანასწორობის, ქალთა მიმართ ძალადობისა და ოჯახში ძალადობის საკითხებზე მომუშავე უწყებათაშორის კომისიასთან კოორდინირებული მუშაობის უზრუნველსაყოფად საკრებულო ქმნის ქედის მუნიციპალიტეტის ქალთა და ბავშვთა საკითხებზე მომუშავე მუნიციპალურ საბჭოს.

2. ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შემადგენლობა, უფლებამოსილება და საქმიანობა განისაზღვრება ამავე საბჭოს დებულებით, რომელსაც დადგენილებით ამტკიცებს საკრებულო.“

2) „ქედის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შექმნისა და მისი დებულების დამტკიცების შესახებ“ ქედის მუნიციპალიტეტის

საკრებულოს პროექტით წარმოდგენილ დასამტკიცებელ დებულებაში რამდენიმე ტექნიკური ხარვეზია, რომელიც უნდა ჩასწორდეს:

- საბჭოს დებულების მე-3 მუხლის პირველ პუნქტის მიხედვით საბჭოს თავმჯდომარეობს ქედის მუნიციპალიტეტის საკრებულოს თავმჯდომარე ან მისი დავალებით – ქედის მუნიციპალიტეტის საკრებულოს თავმჯდომარის მოადგილე ან საკრებულოს ერთ-ერთი კომისიის თავმჯდომარე. მოცემული ჩანაწერი მართებულია დაზუსტდეს და მიეთითოს საკრებულოს მხოლოდ ერთი თანამდებობის პირი;
- ამავე მუხლის მე-2 პუნქტში საბჭოს წევრთა ზუსტი რაოდენობა უნდა იყოს მითითებული;
- ამავე მუხლის მე-6 პუნქტის „ა“ ქვეპუნქტი მიზანშეწონილია ჩამოყალიბდეს შემდეგი რედაქციით: „ა) პირადი წერილობითი განცხადების წარდგენის შემთხვევაში;“;
- ამავე პუნქტის „ვ“ ქვეპუნქტში არასწორად არის მითითებული ქალთა უფლებების დაცვის საკითხებზე პასუხისმგებელი საჯარო მოსამსახურის სახელწოდება.

ზემოაღნიშნულიდან გამომდინარე, ქედის მუნიციპალიტეტის საკრებულოს წარმოდგენილი დადგენილებების პროექტების მიღება მიზანშეწონილია შენიშვნების მიხედვით ტექსტის გადამუშავების შემდეგ.

საქართველოს მთავრობის ადმინისტრაცია
მთავრობის ადმინისტრაციის უფროსი
ლევან ჟორჯოლიანი



ქედის მუნიციპალიტეტის საკრებულოს

გ ა ნ კ ა რ გ უ ლ ე ბ ა

2025 წლის -- ივნისი

დაბა ქედა

**ქედის მუნიციპალიტეტის სოფელ საბადურის ახალი ქუჩებისა და ჩიხების დამტკიცების
შესახებ**

საქართველოს ორგანული კანონის „ადგილობრივი თვითმმართველობის კოდექსი“-ს მე-16 მუხლის მე-2 პუნქტის „კ“ ქვეპუნქტის, 24-ე მუხლის პირველი პუნქტის „ა.ე“ ქვეპუნქტისა და „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილების შესაბამისად, ქედის მუნიციპალიტეტის საკრებულომ **გადაწყვიტა:**

1. ორთოფოტოს თანახმად:

ა) გაგრძელდეს ქედის მუნიციპალიტეტის სოფელ საბადურის მე-3 ქუჩა;

ბ) დამტკიცდეს ქედის მუნიციპალიტეტის სოფელ საბადურის მე-4 ქუჩა, მე-4 ქუჩის I და II ჩიხი;

გ) დამტკიცდეს ქედის მუნიციპალიტეტის სოფელ საბადურის მე-5 ქუჩა.

2. მიღებული განკარგულების შესახებ ეცნობოს:

ა) სსიპ სახელმწიფო სერვისების განვითარების სააგენტოს;

ბ) საქართველოს შინაგან საქმეთა სამინისტროს;

გ) საქართველოს ცენტრალურ საარჩევნო კომისიას;

დ) სსიპ საჯარო რეესტრის ეროვნულ სააგენტოს;

ე) ქედის მუნიციპალიტეტის მერიას.

3. განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალაძემ.

4. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).

5. განკარგულება ძალაშია ხელმოწერისთანავე.

განმარტებითი ბარათი

ინფორმაცია სამართლებრივი აქტის პროექტის შესახებ

ქედის მუნიციპალიტეტის სოფელ საბადურის ახალი ქუჩებისა და ჩიხების დამტკიცების შესახებ ქედის მუნიციპალიტეტის საკრებულოს ინდივიდუალური ადმინისტრაციული სამართლებრივი აქტის (განკარგულება) პროექტზე

ა) ზოგადი ინფორმაცია ინდივიდუალური ადმინისტრაციული სამართლებრივი აქტის პროექტის შესახებ:

ა.ა) ინდივიდუალური ადმინისტრაციული სამართლებრივი აქტის მიღების მიზეზი:

ინდივიდუალური ადმინისტრაციული სამართლებრივი აქტის მიღების მიზეზია საქართველოს ორგანული კანონის „ადგილობრივი თვითმმართველობის კოდექსი“-ს მე-16 მუხლის მე-2 პუნქტის „კ“ ქვეპუნქტის, 24-ე მუხლის პირველი პუნქტის „ა.ე“ ქვეპუნქტისა და „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილების მოთხოვნათა შესრულება.

ა.ბ) ინდივიდუალური ადმინისტრაციული სამართლებრივი აქტის მიღების მიზანი:

ინდივიდუალური ადმინისტრაციული სამართლებრივი აქტის მიღების მიზანია სოფელ საბადურის ახალი ქუჩებისა და ჩიხების დამტკიცების შესახებ გადაწყვეტილების მიღება

ა.გ) ინდივიდუალური ადმინისტრაციული სამართლებრივი აქტის ძირითადი არსი:

წარმოდგენილი ინდივიდუალური ადმინისტრაციული სამართლებრივი აქტის პროექტის შესაბამისად, ხდება ახალი განკარგულების მიღება აღნიშნული განკარგულების მიღებას საფუძვლად უდევს საჯარო რეესტრის ეროვნული სააგენტოს 2025 წლის 30 მაისის №120258 წერილი და ქედის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიის დასკვნა.

ბ) ინდივიდუალური ადმინისტრაციული სამართლებრივი აქტის ფინანსური დასაბუთება:

ბ.ა) ინდივიდუალური ადმინისტრაციული სამართლებრივი აქტის მიღებასთან დაკავშირებით აუცილებელი ხარჯების დაფინანსების წყარო:

ინდივიდუალური ადმინისტრაციული სამართლებრივი აქტის მიღება არ გამოიწვევს ქედის მუნიციპალიტეტის ადგილობრივი ბიუჯეტიდან დამატებითი სახსრების გამოყოფას.

ბ.ბ) ინდივიდუალური ადმინისტრაციული სამართლებრივი აქტის გავლენა ბიუჯეტის საშემოსავლო ნაწილზე:

ინდივიდუალური ადმინისტრაციული სამართლებრივი აქტის მიღება გავლენას არ მოახდენს ქედის მუნიციპალიტეტის ადგილობრივი ბიუჯეტის საშემოსავლო ნაწილზე.

ბ.გ) ინდივიდუალური ადმინისტრაციული სამართლებრივი აქტის გავლენა ბიუჯეტის ხარჯვით ნაწილზე:

ინდივიდუალური ადმინისტრაციული სამართლებრივი აქტის მიღება გავლენას არ მოახდენს ქედის მუნიციპალიტეტის ადგილობრივი ბიუჯეტის ხარჯვით ნაწილზე.

ბ.დ) სახელმწიფოს ახალი ფინანსური ვალდებულებები:

ინდივიდუალური ადმინისტრაციული სამართლებრივი აქტის მიღება არ წარმოშობს ახალ ფინანსურ ვალდებულებებს.

გ) ინდივიდუალური ადმინისტრაციული სამართლებრივი აქტის მიმართება საქართველოს სამართლებრივ სტანდარტებთან

გ.ა) ინდივიდუალური ადმინისტრაციული სამართლებრივი აქტის მიმართება საქართველოს კანონმდებლობასთან და კანონქვემდებარე ნორმატიულ აქტებთან:

ინდივიდუალური ადმინისტრაციული სამართლებრივი აქტი არ ეწინააღმდეგება საქართველოს მოქმედ კანონმდებლობას და კანონქვემდებარე ნორმატიულ სამართლებრივ აქტებს.

დ) ინდივიდუალური ადმინისტრაციული სამართლებრივი აქტის მომზადების პროცესში მიღებული კონსულტაციები:

ინდივიდუალური ადმინისტრაციული სამართლებრივი აქტის პროექტის მიღების პროცესში ადგილი არ ჰქონია კონსულტაციის მიღებას.

დ.ა) ინდივიდუალური ადმინისტრაციული სამართლებრივი აქტის შემუშავებაში მონაწილე სახელმწიფო, არასახელმწიფო ან/და საერთაშორისო ორგანიზაცია (დაწესებულება), ექსპერტი, ასეთის არსებობის შემთხვევაში:

ინდივიდუალური ადმინისტრაციული სამართლებრივი აქტის პროექტის შემუშავებაში არ ყოფილა გაწეული რეკომენდაციები.

დ.ბ) ინდივიდუალური ადმინისტრაციული სამართლებრივი აქტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება ნორმატიული აქტის მიმართ, ასეთის არსებობის შემთხვევაში:

ინდივიდუალური ადმინისტრაციული სამართლებრივი აქტის შემუშავებაში აღნიშნულ სუბიექტებს მონაწილეობა არ მიუღიათ.

ე) ინდივიდუალური ადმინისტრაციული სამართლებრივი აქტის ავტორი:


ქედის მუნიციპალიტეტის საკრებულოს აპარატის იურიდიული და ადამიანური რესურსების მართვის განყოფილება.

ვ) ინდივიდუალური ადმინისტრაციული სამართლებრივი აქტის წარმდგენი:

ქედის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიის თავმჯდომარე - ლევან ბერიძე.

ზ) ინდივიდუალური ადმინისტრაციული სამართლებრივი აქტის ინიციატორი:

ქედის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისია.



ქედის მუნიციპალიტეტის საკრებულოს

გ ა ნ კ ა რ გ უ ლ ე ბ ა № --

2025 წლის -- ივნისი

დაბა ქედა

ქედის მუნიციპალიტეტის საკრებულოს 2025 წლის III კვარტლის
სამუშაო გეგმის დამტკიცების შესახებ

„ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 03 მაისის №6 დადგენილებით დამტკიცებული დანართის მე-4 მუხლის მე-3 პუნქტის „ვ“ ქვეპუნქტის შესაბამისად, ქედის მუნიციპალიტეტის საკრებულომ გადაწყვიტა:

1. დამტკიცდეს ქედის მუნიციპალიტეტის საკრებულოს 2025 წლის III კვარტლის სამუშაო გეგმა თანახმად დანართი №1-სა.
2. ქედის მუნიციპალიტეტის საკრებულოს კომისიებმა უზრუნველყონ სამუშაო გეგმით გათვალისწინებული საკითხების შესწავლა და მომზადება დადგენილ ვადაში.
3. დანართი №1 წარმოადგენს განკარგულების განუყოფელ ნაწილს.
4. განკარგულების დაინტერესებულ მხარეთათვის გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალამემ.
5. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).
6. განკარგულება ამოქმედდეს ხელმოწერისთანავე.

ქედის მუნიციპალიტეტის
საკრებულოს თავმჯდომარე

ამირან ცინცაძე

ქედის მუნიციპალიტეტის საკრებულოს 2025 წლის III კვარტლის სამუშაო გეგმა

№	განსახილველი საკითხები და გასატარებელი ღონისძიებები	განხილვის თარიღი	საკითხის განხილვა კომისიის სხდომაზე	საკითხის განხილვა საკრებულოს სხდომაზე	პასუხისმგებელი პირი საკითხის მომზადებაზე
1	აღმასრულებელი ხელისუფლების ორგანოსაგან ინიცირებული საკითხების განხილვა და დამტკიცება	პერიოდულად	კომისიის სხდომაზე	საკრებულოს სხდომაზე	კომისიის თავმჯდომარე
2	შპს „ქედის ტურიზმის განვითარების ხელშეწყობის ცენტრი“ - ს მიერ 2024 წელს გაწეული საქმიანობის შესახებ ინფორმაციის მოსმენა	ივლისი	კომისიის სხდომაზე	საკრებულოს სხდომაზე	შპს „ქედის ტურიზმის განვითარების ხელშეწყობის ცენტრი“ - ს დირექტორი
3	ააიპ “ქედის სასპორტო სკოლა“-ს მიერ 2024 წელს გაწეული საქმიანობის შესახებ ინფორმაციის მოსმენა	ივლისი	კომისიის სხდომაზე	საკრებულოს სხდომაზე	ააიპ “ქედის სასპორტო სკოლა“-ს დირექტორი
4	ქედის მუნიციპალიტეტის მერიის საფინანსო - საბიუჯეტო სამსახურის 2025 წლის მეორე კვარტალის ანგარიშის მოსმენა - განხილვა	აგვისტო	კომისიის სხდომაზე	საკრებულოს სხდომაზე	მერიის საფინანსო - საბიუჯეტო სამსახურის უფროსი
5	საკრებულოს სივრცით-ტერიტორიული დაგეგმარების და ინფრასტრუქტურის კომისიის წლიური ანგარიშის წარდგენა	აგვისტო	კომისიის სხდომაზე	საკრებულოს სხდომაზე	საკრებულოს სივრცით-ტერიტორიული დაგეგმარების და ინფრასტრუქტურის კომისიის თავმჯდომარე

6	შპს სარაგბო კლუბი „ფირალები“ - ს მიერ 2024 წელს გაწეული საქმიანობის შესახებ ინფორმაციის მოსმენა	სექტემბერი	კომისიის სხდომაზე	საკრებულოს სხდომაზე	შპს სარაგბო კლუბი „ფირალები“-ს დირექტორი
7	ააიპ „ქედის სახელოვნებო სკოლა“-ს მიერ 2024 წელს გაწეული საქმიანობის შესახებ ინფორმაციის მოსმენა	სექტემბერი	კომისიის სხდომაზე	საკრებულოს სხდომაზე	ააიპ „ქედის სახელოვნებო სკოლა“-ს დირექტორი

ქედის მუნიციპალიტეტის საკრებულოს სოციალურ საკითხთა კომისიის 2024 წლის ანგარიში

ქედის მუნიციპალიტეტის საკრებულოს სოციალურ საკითხთა კომისია წარმოადგენს მუდმივმოქმედ ორგანოს, რომელიც უზრუნველყოფს ადგილობრივი თვითმმართველობის კოდექსით, საკრებულოს რეგლამენტით და კომისიის დებულებით განსაზღვრულ უფლებამოსილებათა განხორციელებას.

კომისია შექმნილია საკრებულოში საკითხების წინასწარი მომზადებისა და გადაწყვეტილებათა შესრულების ხელშეწყობის მიზნით.

კომისია საანგარიშო პერიოდში მუშაობას წარმართავს სამუშაო გეგმის მიხედვით, ასევე, განიხილავს საკრებულოში შემოსულ რიგგარეშე საკითხებს.

საანგარიშო პერიოდში კომისიამ ჩაატარა 10 კომისიის სხდომა. სხდომებზე განხილული საკითხები ეხებოდა კომისიის კვარტალური გეგმების დამტკიცებას, მერიის სტრუქტურული ერთეულების, მის დაქვემდებარებაში არსებული ორგანიზაციების ანგარიშების მოსმენასა და შეფასებას.

საკითხებთან დაკავშირებით კომისიამ საკრებულოს ბიუროსა და საკრებულოს სხდომებზე წარადგინა დასკვნები.

განხილულ იქნა ქედის მუნიციპალიტეტის 2025 წლის ადგილობრივი ბიუჯეტის პროექტი. მერიაში გაიგზავნა წინადადებები გასათვალისწინებლად.

კომისია აქტიურად თანამშრომლობს მუნიციპალიტეტის მერიასთან და შესაბამის სამსახურებთან. საანგარიშო პერიოდის განმავლობაში აქტიურად იყო ჩართული მუნიციპალიტეტის მერიის სამსახურებთან ერთად სოციალური და ჯანდაცვის პროექტების დაგეგმვასა და ორგანიზებაში მოქალაქეებისთვის დახმარების გაწევის მიზნით. აქტიურად ესწრებოდა მუნიციპალიტეტის ტერიტორიაზე მოწყობილ, კულტურულ, სოციალურ და საგანმანათლებლო ღონისძიებებს.

კომისია გაეცნო საქართველოს პარლამენტის განათლების, მეცნიერებისა და ახალგაზრდულ საქმეთა კომიტეტის მიერ შემუშავებულ ორ თემატურ მოკვლევას სკოლამდელი განათლების მიმართულებით:

1. ხარისხიან სკოლამდელ განათლებაზე ყველა ბავშვის თანაბარი ხელმისაწვდომობა;

2. ადრეული და სკოლამდელი აღზრდისა და განათლების დაწესებულებების ინფრასტრუქტურის მდგომარეობისა და ადამიანური რესურსების გავლენა ხარისხიანი განათლების მიწოდებაზე.

თემატური მოკვლევის ფარგლებში შესწავლილი დოკუმენტების, დასაბუთებული წერილობითი მოსაზრებებისა და ზეპირ მოსმენებზე მიღებული ინფორმაციის საფუძველზე შემუშავდა და გაიცა აღმასრულებელი ხელისუფლების შესაბამისი ორგანოებისთვის რეკომენდაციები. ასევე, რეკომენდაციები განკუთვნილია

ყველა იმ უწყებისათვის, რომელსაც გარკვეული ვალდებულება და უფლებამოსილება ეკისრება ადრეულ და სკოლამდელ განათლებასთან მიმართებით.

ქედის მუნიციპალიტეტის მერია და საკრებულო, კომისიის სახით ჩართული იყო ააიპ საორსას მიერ დაორგანიზებულ პროექტში „ინკლუზიური ხმები აჭარის რეგიონში“, რომლის ფარგლებში განხორციელდა არაერთი საინფორმაციო საგანმანათლებლო შეხვედრა.

პროექტში მონაწილეობის მიღება შეეძლოთ მუნიციპალიტეტში მცხოვრებ სსსმ და შშმ პირების მშობლებსა და ოჯახის წევრებს მათი გაძლიერებისა და მხარდაჭერისთვის.

პროექტის მიზანი იყო სპეციალური საგანმანათლებლო საჭიროებისა და შეზღუდული შესაძლებლობის მქონე ბავშვთა, მოზარდთა და დედათა სოციალურ-ეკონომიკური უფლებების დაცვა და გადაწყვეტილების მიღების პროცესებში ჩართულობის ხარისხის ზრდა.

ქედის მუნიციპალიტეტის საკრებულოს სოციალურ საკითხთა კომისია განაგრძობს მუშაობას კანონმდებლობით დადგენილი წესის შესაბამისად.

შპს „ქედის ავტოსატრანსპორტო საწარმო“

ს/კ 246754150

მისამართი: დაბა ქედა, ტბელ აბუსერიძის #13

2024 წლის საქმიანობის ანგარიში

შპს „ქედის ავტოსატრანსპორტო საწარმოში“ 2024 წელს დასაქმებული იყო 25 ადამიანი. (5 ქალი, 20 კაცი). მათ შორის:

- 8 ადამიანი- ადმინისტრაცია;
- ამბულატორიული მომსახურების პროგრამის ფარგლებში ნივების/უაზის 10 მძღოლი;
- საზოგადოებრივი ტრანსპორტის მომსახურების პროგრამის ფარგლებში ელექტრომობილის 3 მძღოლი.
- საზოგადოებრივი ტრანსპორტის მომსახურების პროგრამის ფარგლებში მწვანე ავტომობილის 2 მძღოლი და 2 კონტროლიორი.

შპს „ქედის ავტოსატრანსპორტო საწარმო“ ახორციელებს 2 პროგრამას: ამბულატორიული მომსახურების და საზ. ტრანსპორტის მომსახურების, რომლის ფარგლებში დამტკიცებული ჰქონდა შესაბამისი ბიუჯეტები.

ამბულატორიული მომსახურების პროგრამის 2024 წლის ბიუჯეტის თანხა იყო 142 280 ლარი (რაც 2023 წლის ამავე პროგრამის ბიუჯეტთან შედარებით 5380 ლარით მეტია. 2023 წლის ბიუჯეტი იყო 136 900 ლარი). 2024 წლის ამავე პროგრამით გათვალისწინებული ხარჯების ჯამი იყო 126 671,66 ლარი, ანუ დაახლოებით 89,03% იქნა ათვისებული მთლიანი ბიუჯეტიდან. რაც შეეხება დარჩენილ 10,97%, ეს ეკონომია განპირობებული იყო საწვავების სრულად არ/ვერ ათვისებით (დაახლოებით 15 608,34 ლარი). ხარჯები მოიცავდა როგორც 10 მძღოლის ხელფასს- (65 689 ლარი, მთლიანი ბიუჯეტის 46,17%, ასევე საწვავის (27 055 ლარი, ავტომობილების რემონტის დაახლოებით 14 755 ლარი, დაზღვევის 2062 ლარი, და საბურავების შეძენის ხარჯებს 12 000 ლარი. ასევე ბანკის მომსახურების და GPS). (საწვავის ლიმიტები- ნივა 100 ლიტრა, უაზი-200 ლიტრა თვეში).

ორგანიზაციის კოორდინირებული საქმიანობით არ შეფერხებულა ათივე ადმინისტრაციულ ერთეულში ამბულატორიის ექიმები/ექთნების ვიზიტები პაციენტებთან და ლოგიკური დროის ფარგლებში რემონტდებოდა ნივები და უაზი.

საზოგადოებრივი ტრანსპორტით უზრუნველყოფის პროგრამის (ელექტრომობილი) 2024 წლის ბიუჯეტი იყო **30 000 ლარი**. პროგრამის ხარჯები 2024 წელში იყო 27 321,68 ლარი, რომელიც მთლიანი ბიუჯეტის 91,07% არის. ეს ხარჯები მოიცავდა 3 მძღოლის ხელფასი- 19 800 ლარი (მთლიანი ბიუჯეტის 66%), ავტომობილის დაზღვევა 4510 ლარი, საბურავები 2700 ლარი (შევიდინეთ ზაფხულის და ზამთრის) შეძენის ხარჯი. დარჩენილი ხარჯი GPS და ბანკის საკომისიო). საზოგადოებრივი ტრანსპორტის მოძრაობის გრაფიკი დამტკიცებულია შპს „ქედის ავტოსატრანსპორტო საწარმოს“ დირექტორის ბრძანების შესაბამისად. საზ. ტრანსპორტით დღეში დაახლოებით 150 ადამიანი გადაადგილდება, რაც თვის მონაცემებით დაახლოებით 5000 ადამიანს გულისხმობს, რაც ნიშნავს იმას, რომ ამ ტრანსპორტის არსებობა მუნიციპალიტეტისთვის მნიშვნელოვანია და საზოგადოების კმაყოფილებას იწვევს.

ამავე პროგრამაში 2024 წლის ივლისის თვიდან დაემატა ე.წ „მწვანე ავტობუსის“ ბიუჯეტი, რომელიც ჯამში იყო **47 400 ლარი**, თუმცა აქედან მუნიციპალური ბიუჯეტი იყო 30 400 ლარი, ხოლო საკუთარი შემოსულობებით გათვალისწინებული 17 000 ლარი. ამ პროგრამაში სუბსიდირება იყო 30 674,71 ლარი, ხოლო საკუთარი ხარჯები 13 720 ლარი. ეს ხარჯები მოიცავდა დასაქმებულთა ხელფასებს, ავტობუსის დაზღვევას, საწვავს, ფორმას, სალარო აპარატის, საბურავების და ბანკის საკომისიოს ხარჯს.

გამომდინარე იქიდან, რომ ავტობუსი, რომელიც ქედა-ბათუმის მიმართულების მოძრაობს საზოგადოების ინტერესებიდან გამომდინარე შეღავათებს ავრცელებს სტუდენტებზე, სკოლის მოსწავლეებზე, შშმ პირებზე, ომის ვეტერანებზე. შესაბამისად ივლისიდან შემოსავლები კვარტალურ ჭრილში გამოიყურება ასე: მესამე კვარტალში 5486,73 ლარი, მეოთხე კვარტალში 6211,37 ლარი. ჯამში: დაახლოებით 11 700 ლარი, რომლიდანაც ათვისებულ იქნა 10 455 ლარი.

რაც შეეხება შპს „ქედის ავტოსატრანსპორტო საწარმოს“ 2024 წლის ბიუჯეტს, 80 500 ლარი იყო, ხარჯვა (მუხლების მიხედვით) 79 233,31 ლარი. ათვისებული იქნა მაქსიმალურად. ეს ხარჯები მოიცავდა ხელფასი- 69 400 ლარი, (მთლიანი ბიუჯეტის 86,21%), საკანცელარიო, რეცხვა-ქიმწმენდისა და კავშირგაბმულობის ხარჯებს, ასევე საწვავს და სხვა მცირე ხარჯებს. მნიშვნელოვანია დისპეტჩერების შრომის აღნიშვნა, რადგან ისინი მაქსიმალურად ამოწმებენ სამარშრუტო ხაზების ტექ. გამართულობას, სისუფთავეს, დროითი ლიმიტების დაცვას, თანხის ამოღებას(საკუთარი

შემოსავლები) და მათ მუდმივი კომუნიკაცია აქვთ მძღოლებთან, რაც კოორდინირებულ მუშაობას უწყობს ხელს.

შპს „ქედის ავტოსატრანსპორტო საწარმოს“ აქვს საკუთარი შემოსავლებიც (77 ქედის სამარშრუტო ხაზისა და სოფლების სამარშრუტო ხაზებიდან).

2024 წელს მუნიციპალიტეტის 10 ადმინისტრაციული ერთეულის სოფლებიდან ჯამში 8 ავტომობილი დადიოდა სოფლიდან ბათუმის მიმართულებით.

1. ხარაულა
2. ც. დანდალო
3. კვაშტა
4. მეძიბნა
5. ოქტომბერი
6. უჩხითი
7. მილისი
8. ზედა ბზუბზუ

ხოლო „77 ქედა“- 20 ავტომობილი.

2024 წელს საკუთარი შემოსავლები იყო ჯამში: 14 022 ლარი.

აქედან 765,38 (პირველი გადარიცხვა) გადარიცხა ხაზინაში (თემი ქედა, შემოსულობა- ადგილობრივი საქალაქო რეგულარული სამგზავრო გადაყვანის თაობაზე). ხოლო მანამდე კი მოხდა თანხების ხარჯვა შესაბამისი კრების ოქმების საფუძველზე.

გარდა ამისა შპს „ქედის ავტოსატრანსპორტო საწარმომ“ მთაში მგზავრთა გადაყვანის ტრანსპორტირების მომსახურება განახორციელა. (ხეშეკრულების თანხა 7850 ლარი). გომის მთისა და საიჩარის მიმართულებით. შესრულდა ჯამში 24 რეისი, რეისი 300 ლარად. (მძღოლებს აუნაზღაურდნა 11 საიჩარის მიმართულებით და 13 რეისი გომის მთის მიმართულებით.

ჯამში შპს „ქედის ავტოსატრანსპორტო საწარმომ“ 2024 წლის განმავლობაში (დამტკიცებული ბიუჯეტი/შემოსულობები) 322 052 ლარის მართვა შეძლო.

ძლიერი მხარე

1. მოწესრიგებული ქედა-ბათუმის და სოფლების სამარშრუტო ხაზები;
2. ამბულატორიული მომსახურების ფარგლებში ექიმებისა და ექთნების შეუფერხებელი გადაადგილება;
3. დაბა ქედის და მიმდებარე ტერიტორიებზე მოსახლეების შეუფერხებელი გადაადგილება;
4. ახალი, ადაპტირებული ტრანსპორტი ქედა-ბათუმის მიმართულებით, რომელზეც ვრცელდება შეღავათით მგაზვრობის საფასურები.
5. მოიალაღეთა მთაში უფასოდ გადაადგილების პროგრამის განხორციელება
6. უნიფორმებით უზრუნველყოფა თამაშრომლების (მძღოლების, კონტროლიორების).

სუსტი მხარე

1. შეთანხმების ვერ მიღწევა ხულოსა და შუახევის მუნიციპალიტეტების სამარშრუტო ხაზების წარმომადგენლებთან;
2. შესყიდვების სპეციალისტის არ არსებობა;
3. სოციალური ქსელების არ არსებობა. (მარკეტინგული აქტივობების თვალსაზრისით).

შესაძლებლობა	საფრთხე
1. სამომავლოდ გაჩერების ადგილების მოწყობა/მოწესრიგება 2. ნიშნულების განთავსება/ელ დაფა მარშრუტის განრიგის შესახებ. 3. სამარშრუტო მოძრაობის გრაფიკის მოწესრიგება 4. დისპეტჩერებისთვის სამგზავრო ჯიხურის მოწყობა ბილეთების გაყიდვისთვის. 5. მახუნცეთის ცენტრში ელ. დაფის მოწყობა „77“ და მწვანე ავტობუსის სამარშრუტო განრიგის საჩვენებლად ტურისტებისთვის/ ადგილობრივი მოსახლეობისთვის. 6. ორგანიზაციის თანამშრომელთა უნფირმებით უზრუნველყოფა ორგანიზაციის ატრიბუტებით. 7. „BUS LINE“-ზე ავტობუსის შეუფერხებლად მოძრაობის ხელშეწყობა. 8. საკუთარი შემოსავლების მართვა ორგანიზაციული საჭიროების შესაბამისად.	1. სხვა მუნიციპალიტეტების (ხულო, შუახევი) სამარშრუტო ხაზზე მოძრავი ავტომობილების მიერ გრაფიკის არ დაცვა;